


中阿含經



第三十四

二百六十三
溫四

49385



JK

JK

中阿含經卷第三十四

東晉罽賓三藏瞿曇僧伽提婆譯

大品商人求財經第二十

第三念誦

我聞如是一時佛遊舍衛國在勝林給孤獨園
爾時世尊告諸比丘乃往昔時閻浮洲中諸商人等
皆共集會在賈客堂而作是念我等寧可乘海裝船入
大海中取財寶來以供家用復作是念諸賢入海不可
豫知安隱我等寧可各各備辦浮海之具謂殺羊皮囊
大瓠薄棧彼於後時各各備辦浮海之具殺羊皮囊
大瓠薄棧便入大海彼在海中爲摩竭魚王破壞其船
彼商人等各各自乘



浮海之具殺羊皮囊大瓠箆棧浮向諸方亦
時海東大風卒起吹諸商人至海西岸彼中
逢見諸女人輩極妙端正一切嚴具以飾其
身彼女見已便作是語善來諸賢快來諸賢
此間極樂最妙好處園觀浴池坐卧處所林
木翳鬱多有錢財金銀水精瑠璃摩尼真珠
碧玉白珂車渠珊瑚琥珀瑪瑙璣瑁赤石琰
珠盡與諸賢當與我等共相娛樂莫令閻浮
洲商人南行乃至於夢彼商人等皆與婦人
共相娛樂彼商人等因共婦人合會生男或
復生女彼於後時閻浮洲有一智慧商人獨
住靜處而作是念以何等故此婦人輩制於

我等不令南行耶我寧可伺共居婦人知彼
眠已安徐而起當竊南行彼閻浮洲一智慧
商人則於後伺共居婦人知彼眠已安徐而
起即竊南行彼閻浮洲一智慧商人既南行
已遙聞大音高聲喚叫衆多人聲啼哭懊惱
喚父呼母呼喚妻子及諸愛念親親朋友好
閻浮洲安隱快樂不復得見彼商人聞已極
大恐怖身毛皆豎莫令人及非人觸娆我者
於是閻浮洲一智慧商人自制恐怖復進南
行彼閻浮洲一智慧商人進行南已忽見東
邊有大鐵城見已遍觀不見其門乃至可容
猫子出處彼閻浮洲一智慧商人見鐵城北

有大藁樹即往至彼大藁樹所安徐緣上上
已問彼大衆人曰諸賢汝等何故啼哭懊惱
喚父呼母呼喚妻子及諸愛念親親朋友好
閻浮洲安隱快樂不復得見耶時大衆人便
荅彼曰賢者我等是閻浮洲諸商人也皆共
集會在賈客堂而作是念我等寧可乘海裝
舩入大海中取財寶來以供家用賢者我等
復作是念諸賢我等入海不可豫知安隱不
安隱我等寧可各各備辦浮海之具謂殺羊
皮囊大瓠薄棧賢者我於後時各各備辦浮
海之具謂殺羊皮囊大瓠薄棧便入大海賢
者我等在海中爲摩竭魚王破壞其舩賢者

我等商人各各自乘浮海之具殺羊皮囊大
瓠簿棧浮向諸方介時海東大風卒起吹我
等商人至海西岸彼中逢見諸女人輩極妙
端正一切嚴具以飾其身彼女見已便作是
語善來諸賢快來諸賢此間極樂最妙好處
園觀浴池坐卧處所林木蒼鬱多有錢財金
銀水精琉璃摩尼真珠碧玉白珂車渠珊瑚
琥珀瑪瑙瑇瑁赤石璇珠盡與諸賢當與我
等共相娛樂莫令閻浮洲商人南行乃至於
夢賢者我等與彼婦人共相娛樂我等因共
婦人合會生男或復生女賢者若彼婦人不
聞閻浮洲餘諸商人在於海中爲摩竭魚王

破壞船者則與我等共相娛樂賢者若彼婦人聞閻浮洲有諸商人在於海中爲摩竭魚王破壞船者便食我等極遭逼迫若食人時有餘髮毛及爪齒者彼婦人等盡取食之若食人時有血滴地彼婦人等便以手爪掘地深四寸取而食之賢者當知我等閻浮洲商人本有五百人於中已噉二百五十餘有二百五十今皆在此大鐵城中賢者汝莫信彼婦人語彼非真人是羅刹鬼耳於是閻浮洲一智慧商人於大叢樹安徐下已復道而還彼婦人所本共居處知彼婦人故眠未覺即於其夜彼閻浮洲一智慧商人速往至彼閻

浮洲諸商人所便作是語汝等共來當至靜
處汝各獨往勿將兒去當共在彼密有所論
彼閻浮洲諸商人等共至靜處各自獨去不
將兒息於是閻浮洲一智慧商人語曰諸商
人我則獨住於安靜處而作是念以何等故
此婦人輩制於我等不令南行耶我寧可伺
共居婦人知彼眠已安徐而起當竊南行於
是我便伺共居婦人知彼眠已我安徐起即
竊南行我南行已遙聞大音高聲喚叫衆多
人聲啼哭懊惱喚父呼母呼喚妻子及諸愛
念親親朋友好閻浮洲安隱快樂不復得見
我聞是已極大恐怖身毛皆豎莫令人及非

人觸燒我者於是我便自制恐怖復進南行
進南行已忽見東邊有大鐵城見已遍觀不
見其門乃至可容猫子出處我復見於大鐵
城北有大藁樹即往至彼大藁樹所安徐緣
上上已問彼大衆人曰諸賢汝等何故啼哭
懊惱喚父呼母喚妻子及諸愛念親親朋

友好閻浮洲安隱快樂不復得見耶彼大衆
人而答我曰賢者我等是閻浮洲諸商人皆
共集會在賈客堂而作是念我等寧可乘海
裝舩入大海中取財寶來以供家用賢者我
等復作是念諸賢我等入海不可豫知安隱
不安隱我等寧可各各備辦浮海之具謂殺

羊皮囊大瓠簿棧賢者我等後時各各備辦
浮海之具謂殺羊皮囊大瓠簿棧便入大海
賢者我等在海中爲摩竭魚王破壞其船賢
者我等商人各各自乘浮海之具殺羊皮囊
大瓠簿棧浮向諸方介時海東大風卒起吹
我等商人至海西岸彼中逢見諸女人輩極
妙端正一切嚴具以飾其身彼女見已便作
是語善來諸賢快來諸賢此間極樂最妙好
處園觀浴池坐卧處所林木蓊鬱多有錢財
金銀水精琉璃摩尼真珠碧玉白珂車渠珊
瑚琥珀瑪瑙瑋瑁赤石琰珠盡與諸賢當與
我等共相娛樂莫令閻浮洲商人南行乃至

於夢賢者我等與彼婦人共相娛樂我等因
共婦人合會生男或復生女賢者若彼婦人
不聞閻浮洲更有商人在於海中爲摩竭魚
王破壞船者則與我等共相娛樂賢者若彼
婦人聞閻浮洲更有商人在於海中爲摩竭
魚王破壞船者便食我等極遭逼迫若食人
時有餘髮毛及爪齒者彼婦人等盡取食之
若食人時有血滴地彼婦人等便以手爪掘
地深四寸取而食之賢者當知我等閻浮洲
商人本有五百人於中已噉二百五十餘有
二百五十今皆在此大鐵城中賢者汝莫信
彼婦人語彼非真人是羅刹鬼耳於是閻浮

洲諸商人問彼閻浮洲一智慧商人曰賢者
不問彼大衆人諸賢頗有方便令我等及汝
等從此安隱度至閻浮洲耶閻浮洲一智慧
商人荅曰諸賢我時脫不如是問也於是閻
浮洲諸商人語曰賢者還去至本共居婦人
處已伺彼眠時安徐而起更竊南行復往至
彼大衆人所問曰諸賢頗有方便令我等及
汝等從此安隱度至閻浮洲耶於是閻浮洲
一智慧商人爲諸商人嘿然而受是時閻浮
洲一智慧商人還至共居婦人處已伺彼眠
時安徐而起即竊南行復往至彼大衆人所
問曰諸賢頗有方便令我等及汝等從此安

隱度至閻浮洲耶彼大衆人答曰賢者更無
方便令我等從此安隱度至閻浮洲賢者我
作是念我等當共破掘此牆還歸本所適發
心已此牆轉更倍高於常賢者是謂方令我
等不得從此安隱度至閻浮洲賢者別有方
便可令汝等從此安隱度至閻浮洲我等永
無方便諸賢我等聞天於空中唱曰閻浮洲
諸商人愚癡不定亦不善解所以者何不能
令十五日說從解脫時而南行彼有駝馬王
食自然粳米安隱快樂充滿諸根再三唱曰
誰欲度彼岸誰欲使我脫誰欲使我將從此
安隱度至閻浮洲耶汝等可共詣駝馬王而

作是語我等欲得度至彼岸願脫我等願將
我等從此安隱度至閻浮洲賢者是謂方便
令汝等從此安隱度至閻浮洲商人汝來可
往至彼駢馬王所而作是語我等欲得度至
彼岸願脫我等願將我等從此安隱度至閻
浮洲於是閻浮洲有一智慧商人語曰諸商
人今時往詣駢馬王所而作是語我等欲得
度至彼岸願脫我等願將我等從此安隱度
至閻浮洲諸商人隨諸天意諸商人若使十
五日說從解脫時駢馬王食自然粳米安隱
快樂充滿諸根再三唱曰誰欲度彼岸誰欲
使我脫誰欲使我將從此安隱度至閻浮洲

我等亦時即往彼所而作是語我等欲得度
至彼岸願脫我等願將我等從此安隱度至
閻浮洲於是駝馬王後十五日說從解脫時
食自然粳米安隱快樂充滿諸根再三唱曰
誰欲得度彼岸我當脫彼我當將彼從此安
隱度至閻浮洲時閻浮洲諸商人聞已即便
往詣駝馬王所而作是語我等欲得度至彼
岸願脫我等願將我等從此安隱度至閻浮
洲時駝馬王語曰商人彼婦人等必當抱兒
共相將來而作是語諸賢善來還此此間極
樂最妙好處園觀浴池坐卧處所林木蒼鬱
多有錢財金銀水精琉璃摩尼真珠碧玉白

珂車渠珊瑚琥珀瑪瑙瑋瑁赤石琰珠盡與
諸賢當與我等共相娛樂設不用我者當怜
念兒子若彼高人而作是念我有男女我有
極樂最妙好處園觀浴池坐卧處所林木翦
鬱我多有錢財金銀水精琉璃摩尼真珠碧
玉白珂車渠珊瑚琥珀瑪瑙瑋瑁赤石琰珠
者彼雖騎我正當背中彼必顛倒落墮於水
便當爲彼婦人所食當遭逼迫若食人時有
餘髮髭及瓜齒者彼婦便當盡取食之復次
若食人時有血滲地彼婦人等便以手爪掘
地深四寸取而食之若彼商人不作是念我
有男女我有極樂最妙好處園觀浴池坐卧

處所林木菡鬱我多有錢財金銀水精琉璃
摩尼真珠碧玉白珂車渠珊瑚琥珀瑪瑙璣
瑁赤石琰珠者彼雖持我身上二毛彼必安隱
度至閻浮洲於是世尊告諸比丘彼婦人等
抱兒子來而作是語諸賢善來還此此間極
樂最妙好處園觀浴池坐卧處所林木菡鬱
多有錢財金銀水精琉璃摩尼真珠碧玉白
珂車渠珊瑚琥珀瑪瑙璣瑁赤石琰珠盡與
諸賢當與我等共相娛樂若彼商人而作是
念我有男女我有極樂最妙好處園觀浴池
坐卧處所林木菡鬱我多有錢財金銀水精
琉璃摩尼真珠碧玉白珂車渠珊瑚琥珀瑪

瑠璃瑁赤石琰珠者彼雖得騎駝馬王脊正
當背中彼必顛倒落墮於水便當爲彼婦人
所食當遭逼迫若食人時有餘髮髭及爪齒
者彼婦人等盡取食之復次食彼人時有五
指地彼婦人等便以手爪掘地深四寸取而
食之若彼商人不作是念我有男女我有極
樂最妙好處園觀浴池坐卧處所林木葦鬱
我多有錢財金銀水精琉璃摩尼真珠碧玉
白珂車渠珊瑚琥珀瑪瑙瑠璃瑁赤石琰珠者
彼雖持駝馬王一毛者彼必安隱度至閻浮
洲諸比丘我說此喻欲令知義此說是義我
法善說發露極廣善護無有空缺如橋樑浮

具遍滿流布乃至天人如是我法善說發露
極廣善護無有空缺如橋棧浮具遍滿流布
乃至天人若有比丘作如是念眼是我我有
眼耳鼻舌身意是我我有意者彼比丘必被
害猶如商人爲羅刹所食我法善說發露極
廣善護無有空缺如橋棧浮具遍滿流布乃
至天人如是我法善說發露極廣善護無有
空缺如橋棧浮具遍滿流布乃至天人若有
比丘作如是念眼非是我我無有眼耳鼻舌
身意非是我我無有意者彼比丘得安隱去
猶如商人乘駢馬王安隱得度我法善說發
露極廣善護無有空缺如橋棧浮具遍滿流

布乃至天人如是我法善說發露極廣善護
無有空缺如橋棧浮具遍滿流布乃至天人
若有比丘作如是念色是我我有色聲香味
觸法是我我有法者彼比丘必被害猶如商
人爲羅刹所食我法善說發露極廣善護無
有空缺如橋棧浮具遍滿流布乃至天人如
是我法善說發露極廣善護無有空缺如橋
棧浮具遍滿流布乃至天人若有比丘作如
是念色非是我我無有色聲香味觸法非是
我我無有法者彼比丘得安隱去猶如商人
乘駢馬王安隱得度我法善說發露極廣善
護無有空缺如橋棧浮具遍滿流布乃至天

人如是我法善說發露極廣善護無有空缺
如橋樑浮具遍滿流布乃至天人若有比丘
作如是念色陰是我我有色陰覺想行識陰
是我我有識陰者彼比丘必被害猶如商人
爲羅刹所食我法善說發露極廣善護無有
空缺如橋樑浮具遍滿流布乃至天人
如是我法善說發露極廣善護無有空缺
如橋樑浮具遍滿流布乃至天人若有比丘
作如是念色陰是我我無有色陰覺想行
識陰非是我我無有識陰者彼比丘得安隱
去猶如商人乘駝馬王安隱得度我法善說
發露極廣善護無有空缺如橋樑浮具遍滿

流布乃至天人如是我法善說發露極廣善
護無有空缺如橋椳浮具遍滿流布乃至天
人若有比丘作如是念地是我我有地水火
風空識是我我有識者彼比丘必被害猶如
商人爲羅刹所食我法善說發露極廣善護
無有空缺如橋椳浮具遍滿流布乃至天人
如是我法善說發露極廣善護無有空缺如
橋椳浮具遍滿流布乃至天人若有比丘作
如是念地非是我我無有地水火風空識非
是我我無有識者彼比丘得安隱去猶如商
人乘駝馬王安隱得度於是世尊說此頌曰
若有不信於 佛說正法律 彼人必被害

如爲羅刹食

若人有信於

佛說正法律

彼得安隱度

如乘駝馬二

佛說如是彼諸比丘聞佛所說歡喜奉行

商人求財經第二十竟

中阿含大品世間經第二十一

第三念誦

我聞如是一時佛遊舍衛國在勝林給孤獨

園介時世尊告諸比丘如來自覺世間亦爲
他說如來知世間如來自覺世間習亦爲他
說如來斷世間習如來自覺世間滅亦爲他
說如來世間滅作證如來自覺世間道跡亦
爲他說如來修世間道跡若有一切盡普正
有彼一切如來知見覺得所以者何如來從

昔夜覺無上正盡之覺至于今日夜於無餘
涅槃界當取滅訖於其中間若如來口有所
言說有所應對者彼一切是真諦不虛不離
於如亦非顛倒真諦審實若說師子者當知
說如來所以者何如來在衆有所講說謂師
子吼一切世間天及魔梵沙門梵志從人至

天如來是梵有如來至冷有無煩亦無熱有
諦不虛有於是世尊說此頌曰

知一切世間

出一切世間

說一切世間

一切世如真

彼最上尊雄

能解一切縛

得盡一切業

生死悉解脫

是天亦是人

若有歸命佛

稽首禮如來

甚深極大海

知已為修敬

諸天香音神

彼亦誓首禮

謂隨於死者

誓首禮智士

歸命人之土

無憂離塵安

無礙諸解脫

是故常樂禪

住遠離極定

當自作燈明

無我必失時

失時有憂感

謂墮地獄中

佛說如是彼諸比丘聞佛所說歡喜奉行

世間經第二十一竟

中阿含大品福經第二十二

第三念誦

我聞如是一時佛遊舍衛國在勝林給孤獨園
爾時世尊告諸比丘莫畏於福愛樂意所
念所以者何福者是說樂畏於福不愛樂意
所念所以者何非福者是說苦何以故我憶

往昔長夜作福長夜受報愛樂意所念我往
昔時七年行慈七反成敗不來此世世敗壞
時生晃昱天世成立時來下生空梵宮殿中
於彼梵中作大梵天餘處千反作自在天王
三十六反作天帝釋復無量反作刹利頂生
王比丘我作刹利頂生王時有八万四千大
象被好乘具衆寶校飾白珠珞覆于娑賀鳥
王爲首比丘我作刹利頂生王時有八万四千
馬被好乘具衆寶嚴飾金鏡玳瑁駝馬王爲
首比丘我作刹利頂生王時有八万四千車
四種玳瑁飾在以衆好師子虎豹班文之皮織
成雜色種種玳瑁飾極利疾名樂聲車爲首比

丘我作刹刹頂生王時有八万四千大城極
大富樂多有人民拘舍和提王城爲首比丘
我作刹刹頂生王時有八万四千樓四種寶
樓金銀琉璃及水精正法殿爲首比丘我作
刹刹頂生王時有八万四千御座四種寶座
金銀琉璃及水精敷以氍毹毼毼覆以錦綺
羅縠有襯體被兩頭安枕加陵伽波和羅波
遮悉唎羅那比丘我作刹刹頂生王時有八
万四千雙衣有初摩衣有錦繒衣有劫貝衣
有加陵伽波和羅衣比丘我作刹刹頂生王
時有八万四千女身體光澤暎潔明淨美色
過人小不及天姿容端正觀者歡悅衆寶瓔

珞嚴飾具足盡刹刹種女餘族無量比丘我
作刹刹頂生王時有八万四千種食晝夜常
供爲我故設欲令我食比丘彼八万四千種
食中有一種食極美淨潔無量種味是我常
所食比丘彼八万四千女中有一刹刹女最
端正姝好常奉侍我比丘彼八万四千雙衣
中有一雙衣或初摩衣或錦繒衣或劫貝衣
或加陵伽波和羅衣是我常所著比丘彼八
万四千御座中有一御座或金或銀或琉璃
或水精敷以氍毹毼毼覆以錦綺羅縠有觀
體被兩頭安枕加陵伽波和羅波遮悉哆羅
那是我常所卧比丘彼八万四千樓觀中有

一樓觀或金或銀或琉璃或水精名正法殿
是我常所住比丘彼八万四千大城中有一
城極大富樂多有人民名拘舍和提是我常
所居比丘彼八万四千車中而有一車莊以
衆好師子虎豹班文之皮織成雜色種種莊
飾極利疾名樂聲車是我常所載至觀望園
觀比丘彼八万四千馬中而有一馬體紺青
色頭像如烏名駢馬王是我常所騎至觀望
園觀比丘彼八万四千大鳥中而有一鳥舉
體極白七支盡政名于娑賀鳥王是我常所
乘至觀望園觀比丘我作此念是何業果爲
何業報令我今日有大如意足有大威德有

大福祐有大威神比丘我復作此念是三業
果為三業報令我今日有大如意足有大威
德有大福祐有大威神一者布施二者調御
三者守護於是世尊說此頌曰

觀此福之報

妙善多饒益

比丘我在昔

七年修慈心

七反成敗劫

不來還此世

世間敗壞時

生於晃昱天

世間轉成時

生於梵天中

在梵為大梵

千生自在天

三十六為釋

無量百頂王

刹利頂生王

為人之最尊

如法非刀杖

政御於天下

如法不加枉

正安樂教授

如法轉相傳

遍一切大地

大富多錢財

生於如是族

財穀具滿足

成就七寶珍

因此大福祐

所生得自在

諸佛御於世

彼佛之所說

知此甚奇特

見神通不少

誰知而不信

如是生於冥

是故當自為

欲求大福祐

當恭敬於法

常念佛法律

佛說如是彼諸比丘聞佛所說歡喜奉行

福經第二十二竟

中阿含大品息止道經第二十三 第三念誦

我聞如是一時佛遊舍衛國在勝林給孤獨

園尔時世尊告諸比丘年少比丘始成就戒

當以數數詣息止道觀相骨相青相腐相食

相骨鑠相彼善受善持此相已還至住處澡

洗手足敷尼師壇在於床上結跏趺坐即念
此相骨相青相腐相食相骨鏹相所以者何
若彼比丘修習此相速除心中欲恚之病於
是世尊說此頌曰

若年少比丘
欲除其婬欲

學未得上意

當詣息止道

遍滿一切方

往至觀諸身

當觀於青相

及以爛腐壞

觀烏虫所食

骨骨節相連

修習如是相

還歸至本處

澡洗於手足

敷床正基坐

當以觀真實

內身及外身

盛滿大小便

心腎肝肺等

若欲分衛食

到人村邑間

如將鎧纏絡

常正念在前

若見色可愛

清淨欲相應

見已觀如真

正念佛法律

此中無骨筋

無肉亦無血

無腎心肝肺

無有涕唾腦

一切地皆空

水種亦復然

空一切火種

風種亦復空

若所有諸覺

清淨欲相應

彼一切息止

如慧之所觀

如是行精勤

常念不淨想

永斷婬怒癡

除一切無明

興起清淨明

比丘得苦邊

佛說如是彼諸比丘聞佛所說歡喜奉行

息止道經第二十三竟

中阿含大品至邊經第二十四 第三念誦

我聞如是一時佛遊舍衛國在勝林給孤獨

園介時出尊告諸比丘於生活中下極至邊
謂行乞食世間大諱謂為禿頭手擎鉢行彼
族姓子為義故愛所以者何以馱患生老病
死愁感啼哭憂苦懊惱或得此淳具足大苦
陰邊汝等非如是心出家學道耶時諸比丘
白曰如是世尊復告諸比丘曰彼愚癡人以

如是心出家學道而行伺欲染著至重濁纏
心中憎嫉無信懈怠失正念無正定惡慧心
狂調亂諸根持戒極寬不修沙門不增廣行
猶人以墨浣墨所汙以血除血以垢除垢以
濁除濁以廁除廁但增其穢從冥入冥從闇
入闇我說彼愚癡人持沙門亦復如是謂彼

人行伺欲染著至重濁纏心中憎嫉無信懈
急失正念無正定惡慧心狂調亂諸根持戒
極寬不修沙門不增廣行猶無事處燒人殘
木彼火燼者非無事所用亦非村邑所用我
說彼愚癡人持沙門亦復如是謂彼人行伺
欲染著至重濁纏心中憎嫉無信懈急失正
念無正定惡慧心狂調亂諸根持戒極寬不
修沙門不增廣行於是世尊說此頌曰

愚癡失欲樂

復失沙門義

俱忘失二邊

猶燒殘火燼

猶如無事處

燒人殘火燼

無事村不用

人著欲亦然

猶燒殘火燼

俱忘失二邊

佛說如是彼諸比丘聞佛所說歡喜奉行

至邊經第二十四竟

中阿含大品喻經第二十五

第三念誦

我聞如是一時佛遊舍衛國在勝林給孤獨園
爾時世尊告諸比丘若有無量善法可得
彼一切以不放逸為本不放逸為習因不放
逸生不放逸為首不放逸者於諸善法為最
第一猶作田業彼一切因地依地立地得作
田業如是若有無量善法可得彼一切以不
放逸為本不放逸為習因不放逸生不放逸
為首不放逸者於諸善法為最第一猶種子
村及與鬼村百穀藥木得生長養彼一切因

地依地立地得生長養如是若有無量善法
可得彼一切以不放逸爲本不放逸爲習因
不放逸生不放逸爲首不放逸者於諸善法
爲最第一猶諸根香沉香爲第一猶諸樹香
赤栴檀爲第一猶諸水華青蓮華爲第一猶
諸陸華須摩那華爲第一猶諸狩跡彼一切
悉入爲跡中爲跡盡攝彼爲跡者爲最第一
謂廣大故如是若有無量善法可得彼一切
以不放逸爲本不放逸爲習因不放逸生不
放逸爲首不放逸者於諸善法爲最第一猶
諸狩中彼師子王爲最第一猶如列陣共鬪
戰時唯要誓爲第一猶樓觀椽椽彼一切皆依

子椽梁立承椽梁承椽梁皆攝持之承椽梁者爲最第一謂盡攝故如是若有無量善法可得彼一切以不放逸爲本不放逸爲習因不放逸生不放逸爲首不放逸者於諸善法爲最第一猶如諸山須彌山王爲第一猶如諸泉大泉攝水大海爲第一猶諸大身阿須羅王爲第一猶諸瞻侍魔王爲第一猶諸行欲頂生王爲第一猶如諸小王轉輪王爲第一猶如虛空諸星宿月殿爲第一猶諸來衣白練爲第一猶諸光明慧光明爲第一猶如諸衆如來弟子衆爲第一猶如諸法有爲及無爲愛盡無欲滅盡涅槃爲第一猶諸衆生

無足二足四足多足色無色有想無想乃至
非有想非無想如來於彼為極第一為大為
上為最為勝為尊為妙猶如因牛有乳因乳
有酪因酪有生蘇因生蘇有熟蘇因熟蘇有
蘇精蘇精為第一為大為上為最為勝為尊
為妙如是若有諸衆生無足二足四足多足

阿含卷三二口老

色無色有想無想乃至非有想非無想如來
於彼為極第一為大為上為最為勝為尊為
妙於是世尊說此頌曰

若有求財物 極好轉增多 稱譽不放逸

事無事慧說 有不放逸者 必取二俱義

即此世能獲 後世亦復得 雄猛觀諸義

慧者必解脫

佛說如是彼諸比丘聞佛所說歡喜奉行

喻經第十五竟

中阿含大品經卷第三十四 第三念誦

温

賈客

賈上音古

殺羊

殺上音古

瓠

瓠音護

瓢

簿棧

上音排下音伐束竹木渡水也南
人曰簿北人曰棧經作柶非也
烏孔反盛也
草木茂盛也
白珂下苦何反也
毒瑁下音妹

璇珠

或上似宣反

伺

伺相寺反

竊

也音切私

喚

嗷

下音妹

高反衆口
愁也

猫

捕鼠也

爪齒

巧反

滌

音滴

上其勿反
又其月反

駝

色音毛

晃昱

上胡廣反

天

名下

珞

下上音落

交

毳

上音

衛下

毛禰也

毳

毳

音上

塔下音登 | 亦毛 | 繫穀 | 胡谷反非下 | 緊絲 | 縑觀 | 體上初

觀作 | 悉吸 | 丁賀反 | 可繒 | 疾陵反 | 之摠 | 衆皦 | 潔曉反 | 居

也明 | 姝好 | 反上昌朱 | 也紺 | 古暗反 | 青柱 | 紆往反 | 榮穀

上音非谷 | 下寘 | 寘字 | 腐音壞 | 爛也 | 腎時忍 | 肝肺 | 廢下蒸

鎧 | 苦亥反 | 涕唾 | 上音替 | 下諱 | 許謂反 | 秃頭 | 廢反 | 蒸

至反 | 屋髮也 | 調乱 | 吊上徒反 | 浣洩 | 見也 | 管同 | 廁初 | 使去 | 剗

也 | 火燼 | 下徐狩 | 尸又反 | 椽梁 | 緣上直反 | 管同 | 廁初 | 使去 | 剗

也 | 火燼 | 下徐狩 | 尸又反 | 椽梁 | 緣上直反 | 管同 | 廁初 | 使去 | 剗

也 | 火燼 | 下徐狩 | 尸又反 | 椽梁 | 緣上直反 | 管同 | 廁初 | 使去 | 剗

也 | 火燼 | 下徐狩 | 尸又反 | 椽梁 | 緣上直反 | 管同 | 廁初 | 使去 | 剗

也 | 火燼 | 下徐狩 | 尸又反 | 椽梁 | 緣上直反 | 管同 | 廁初 | 使去 | 剗

也 | 火燼 | 下徐狩 | 尸又反 | 椽梁 | 緣上直反 | 管同 | 廁初 | 使去 | 剗

也 | 火燼 | 下徐狩 | 尸又反 | 椽梁 | 緣上直反 | 管同 | 廁初 | 使去 | 剗

